

PROGRAM PODRŠKE MARGINALIZIRANIM GRUPAMA (PPMG)

AVGUST 2017.

POTPISAN NOVI UGOVOR O DODJELI GRANTA ZA UDRUŽENJE „SRCE PUNO OSMIJEHA“

Udruženje „Srce puno osmijeha“ predstavlja jedno od rijetkih udruženja koje nastoji uljepšati svakodnevnicu najugroženijih, u ovom slučaju, djece sa poteškoćama u razvoju.



U august je potpisan i novi ugovor kojim USAID-ov Program podrške marginaliziranim grupama podržava realizaciju inicijative „Aktivnosti duga, za moga druga“.

Inicijativa se bavi se problematikom psihosocijalne pomoći marginaliziranih skupina djece u BiH, a glavni cilj je doprinijeti unapređenju položaja djece iz ugroženih kategorija, poboljšati psihološko stanje djece i povećati socijalnu uključenost djece i mladih sapoteškoćama u razvoju.



Također, jedan od ciljeva je i da se tipična djeca upoznaju sa grupom djece iz marginaliziranih skupina, te ih naučiti kako društveno prihvatiti djecu takvih skupina.

U ovom udruženju intenzivno će raditi i na osnaživanju volontera za rad sa djecom i mladima sa psihičkim i tjelesnim poteškoćama. Radom na osnaživanju volontera za rad sa djecom iz marginaliziranih skupina cilj nam je što više mladih ljudi osposobiti za pružanje pomoći takvoj skupini i obučiti ih za samostalan rad sa njima.

Radit će se na edukovanju djece sa problemima u razvoju koja pohađaju ili su smještena u Zavodu Mjedenica, a sve aktivnosti prilagođenu su njihovom uzrastu i poteškoćama

Inicijativa će trajati četiri mjeseca tokom kojih bi trebale biti organizivane i dvije putujuće predstave za djecu sa poteškoćama u razvoju u Mostaru i Banjoj Luci.

SADRŽAJ

Potpisan novi ugovor o dodjeli granta za Udruženje „Srce puno osmijeha“	1
Počela nova akademska godina u mostarskoj Rock školi	2
Rad na ranom otkrivanju razvojnih poremećaja kod djece	2
Podrška organizacijama civilnog društva koje se bave pitanjima LGBTI ljudskih prava	2

POČELA NOVA AKADEMSKA GODINA U MOSTARSKOJ ROCK ŠKOLI

Koncertom benda svejetskog jazz umjetnika Vasila Hadžimanova mostarska Rock škola je otvorila novu akademsku godinu (2017/2018), a članovi benda istog dana proveli su majstorsku radionicu za polaznike MoRS-a koja je bila besplatna za sve učesnike.



USAID-ov Program podrške marginaliziranim grupama (USAID/PPMG) sa 180.000 KM podržao je rad Rock škole Mostar, čiji su polaznici zbog nedostatka sredstava strahovali od njenog zatvaranja.

Rock škola Mostar koristeći muziku kao sredstvo povezuje mlade iz podijeljenih zajednica grada na Neretvi.

Rock škola Mostar mladima omogućava da uče svirati, raditi u bendu, upoznaju historiju urbane muzike i muzičku teoriju, iskažu svoju kreativnost i izrastu u zrele muzičare. Škola mlade ne obrazuje samo muzički, već kroz muzičke radionice i druženja povezuje mlade, bori se protiv etničkih barijera i predrasuda među mladima.

Tokom dosadašnjeg rada Rock škola Mostar organizivala je oko 40 koncerata, učestvovala u međunarodnim razmjenama mladih, ugostila velika svjetska muzička imena, te organizovala muzičke kampove za mlade iz cijele Bosne i Hercegovine.

RAD NA RANOM OTKRIVANJU RAZVOJNIH POREMEĆAJA KOD DJECE

Udruženje EDUS u august je počelo sa pripremama za istraživanje o modelima ranog otkrivanja i načinima tretiranja razvojnih poremećaja kod djece, čiju je realizaciju podržao Program podrške marginaliziranim grupama (USAID/PPMG).



Na osnovu istraživanja bit će razvijen model koji će omogućiti rano prepoznavanje razvojnih poremećaja kod djece, a rana detekcija je vrlo važna jer omogućava da se, uz kvalitetan tretman, od djece izvuče njihov maksimum što će im osigurati i veću uključenost u društvo, a u konačnici i kvalitetniji život.

Razvojem modela za efikasniju ranu detekciju, dijagnostiku i intervenciju stručna javnost u Bosni i Hercegovini dobit će normiran i validiran primjenjiv model specifično kreiran za bosanskohercegovačke uslove u radu sa djecom sa razvojnim poteškoćama. Model razvijen kroz istraživanje bit će preporučen i nadležnim ministrastvima kao standardni obrazac za rad sa djecom sa poteškoćama u razvoju.

PODRŠKA ORGANIZACIJAMA CIVILNOG DRUŠTVA KOJE SE BAVE PITANJIMA LGBTI LJUDSKIH PRAVA

Krajem avgusta, objavljen je Javni poziv za dodjelu malih grantova u okviru projekta „(Ne)vidljive manjine-Nulta



USAID
OD AMERIČKOG NARODA

tolerancija prema diskriminaciji LGBT osoba“ koji realizuje Helsinški odbor za ljudska prava u RS.

Poziv je bio namijenjen svim organizacijama civilnog društva koje se bave pitanjima LGBTI ljudskih prava, antidiskriminacije i jednakopravnosti, kao i neformalnim LGBTI grupama, da dostave prijedloge lokalnih inicijativa koje promovišu prava i položaj LGBTI osoba.

Organizacije civilnog društva i lokalne LGBTI grupe imale su priliku aplicirati za finansiranje projekata za podršku aktivnostima koje promovišu prava LGBTI zajednice ili osnažuju LGBTI osobe u zahtijevanju svojih prava i načela diskriminacije, a u iznosu do 3.000 KM.

USAID - Program podrške marginaliziranim grupama (PPMG)

Program provodi Institut za razvoj mladih KULT

u partnerstvu sa NGO & BUSINESS AUDIT d.o.o.

Ul. 4. viteške brigade 34-36 • 71210 Ilidža • Bosna i Hercegovina

T: +387 33 778 766

F: +387 33 778 779

www.ppmg.ba